

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-7510/23  
Sarajevo, 13.6.2023. godine

Na osnovu člana člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14 i 59/22), Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine i člana 5. stav (1) tačka 2) Sporazuma o saradnji na realizaciji projekta rekonstrukcije krova sale za tjelesni odgoj u Javnim ustanovama Gimnazija Dobrinja i Peta gimnazija broj 02/02-11-24589/21 od 29.12.2021.godine i Aneksa I Sporazuma, a na preporuku Komisije za javnu nabavku radova, Općinski načelnik donosi

## **ODLUKU O PONIŠTENJU POSTUPKA JAVNE NABAVKE Izvođenje radova na rekonstrukciji krova sale za tjelesni odgoj u JU “Gimnazija Dobrinja” i JU “Peta gimnazija**

Prihvata se preporuka Komisije za javnu nabavku radova i poništava se postupak javne nabavke - Izvođenje radova na rekonstrukciji krova sale za tjelesni odgoj u JU “Gimnazija Dobrinja” i JU “Peta gimnazija” broj obavještenja 422-1-3-83-3-72/23 objavljeno na Portalu javnih nabavki BiH dana 05.4.2023.godine i u “Službenom glasniku BiH” – Oglasnik javne nabavke broj 24/23 od 07.4.2023. godine, Ispravka za obavještenje o nabavci 422-1-3-83-8-110/23 objavljeno na Portalu javnih nabavki BiH dana 17.5.2023.godine i u “Službenom glasniku BiH” – Oglasnik javne nabavke broj 35/23 od 19.5.2023. godine, obzirom da jedina dostavljena ponuda nije prihvatljiva.

### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponudačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

### **Obrazloženje**

Odlukom broj 02/12-19-7510/23 od 29.3.2023. godine Općina Novi Grad Sarajevo pokrenula je otvoreni postupak javne nabavke - Izvođenje radova na rekonstrukciji krova sale za tjelesni odgoj u JU “Gimnazija Dobrinja” i JU “Peta gimnazija” broj obavještenja 422-1-3-83-3-72/23 objavljeno na Portalu javnih nabavki BiH dana 05.4.2023.godine i u “Službenom glasniku BiH” – Oglasnik javne nabavke broj 24/23 od 07.4.2023. godine, Ispravka za obavještenje o nabavci 422-1-3-83-8-110/23 objavljeno na Portalu javnih nabavki BiH dana 17.5.2023.godine i u “Službenom glasniku BiH” – Oglasnik javne nabavke broj 35/23. godine.

Predmetni postupak javne nabavke pokrenut je sa Ministarstvom za odgoj i obrazovanje Kantona Sarajevo, JU „Gimnazijom Dobrinja“ i JU „Petom gimnazijom“ na osnovu člana 5. stav (1) tačka 2) Sporazuma o saradnji na realizaciji projekta rekonstrukcije krova sale za tjelesni odgoj u Javnim ustanovama Gimnazija Dobrinja i Peta gimnazija broj 02/02-11-24589/21 od 29.12.2021.godine i Aneksa I Sporazuma. Procijenjena vrijednost za predmetnu nabavku iznosi 119.658,12 KM bez PDV-a, odnosno 140.000,00 KM sa PDV-om.

Rješenjem Općinskog načelnika broj 02/02-04-11108/23 od 05.5.2023. godine formirana je Komisija za provođenje predmetnog postupka nabavke, od čega su četiri člana Komisije predstavnici Općine, a jedan član Komisije predstavnik Ministarstva za odgoj i obrazovanje Kantona Sarajevo. Komisija je na sjednici Komisije održanoj dana 06.6.2023. godine usvojila Poslovnik o radu Komisije za provođenje postupka predmetne javne nabavke i potpisala izjave o povjerljivosti, nepristrasnosti i nepostojanju sukoba interesa i nepostojanju drugih prepreka u skladu sa Zakonom o javnim nabavkama BiH.

Zapisnikom o otvaranju ponuda od 06.6.2023. godine Komisija je konstatovala je dostavljena jedna ponuda u roku ostavljenom za dostavljanje istih i to ponda ponudača:

1. “Bersia” d.o.o. Sarajevo

Nakon što je Komisija utvrdila da je pristigla jedna ponuda, pristupila je analizi i procjeni dokumentacije kojom ponuđač treba dokazati svoju kvalifikovanost za učešće u ovom postupku. Komisija je vršeći analizu i računsku kontrolu dostavljene ponude utvrdila računsku grešku u Obrascu za cijenu ponude (Aneks 3) i to kako slijedi:

1. Na stranici br.23 ponude, u zbirnoj rekapitulaciji stavka NEPREDVIĐENI RADOVI 2% nije upisan iznos, a treba da stoji 2.384,20 KM
2. Na istoj stranici u zbirnoj rekapitulaciji stavka UKUPNO BEZ PDV-A umjesto 119.210,00 KM treba da stoji 121.594,20 KM

Shodno naprijed navedenom iznos PDV-a, umjesto 20.265,70 KM treba da bude 20.671,01 KM

Navedena greška se odrazila na to da ukupno ponuđena cijena za ugovor u Aneksu 2 i Aneksu 3 ponude treba da iznosi 119.210,00KM bez PDV-a, iznos PDV-a treba da iznosi 20.671,01 KM dok cijena ukupne ponude treba da iznosi 142.265,21 KM sa PDV-om.

Komisija je dana 06.6.2023.godine uputila ponuđaču obavijest o ispravci računске greške, o čemu je ponuđač dostavio saglasnost dana 08.6.2023. godine.

Obzirom da je ponuđač "Bersia" d.o.o. Sarajevo ponudio cijenu za ugovor u iznosu od 142.265,21 KM sa PDV-om, a da je Odlukom o pokretanju postupka utvrđena cijena za ugovor u iznosu od 140.000,00 KM sa PDV-om, to je Komisija konstatovala da ponuda ponuđača „Bersia“ d.o.o. Sarajevo prelazi planirana sredstava ugovornog organa za predmetnu javnu nabavku, odnosno prelazi procijenjenu vrijednost nabavke iz Odluke o pokretanju postupka. Shodno navedenom ponuda je neprihvatljiva, a što je i u skladu sa savjetodavnim mišljenjem Agencije za javne nabavke BiH. Predmetnim mišljenjem je navedeno da *u otvorenom postupku javne nabavke i konkurentskom zahtjevu za dostavu ponuda neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.*

Iz naprijed navedenih razloga utvrđeno je da je ponuda ponuđača „Bersia“ d.o.o. Sarajevo neprihvatljiva u skladu sa članom 2. stav (1) tačka l) Zakona o javnim nabavkama BiH.

Nadalje Komisija je utvrdila da ponuđač ne ispunjava kvalifikacioni uslov tražen u tenderskoj dokumentaciji iz tačke 3.4.1.c) - tehnička i profesionalna sposobnost – dokaz da je ponuđač opremljen neophodnom opremom za obavljanje predmetnih radova: transportna sredstva (kamion do 5t nosivosti) -1kom, dizalica za vertikalni transport tereta nosivosti do 500kg-1kom. *Tačkom 3.4.2. (4) propisano je da se za opremu kao dokaz dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme. Za kamione se dostavlja ovjerena kopija važeće saobraćajne dozvole, za radne mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti i zapisnik koji to dokazuje.*

Uvidom u dostavljenu ponudu utvrđeno je da ponuđač „Bersia“ d.o.o. Sarajevo dostavio ovjerenu kopiju važeće saobraćajne dozvole za kamion nosivosti preko 10t (12.500kg), a navedenom tačkom tenderske dokumentacije tražen je kamion nosivosti do 5t.

Iz naprijed navedenih razloga utvrđeno je da je ponuda ponuđača „Bersia“ d.o.o. Sarajevo neprihvatljiva u skladu sa članom 2. stav 1 (1) tačka l) Zakona o javnim nabavkama BiH kao i da ne ispunjava uslove tražene u tenderskoj dokumentaciji iz tačke 3.4.1. (c) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Na osnovu navedenog u skladu sa odredbom člana 69. stav (2) tačka d) Zakona o javnim nabavkama odlučeno je kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

